



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**MOPHATO 12**

**SETSWANA PUO YA GAE (HL)**

**PAMPIRI YA BORARO (P3)**

**NGWANAITSEELE 2011**

**MEMORANTAMO**

**MADUO: 100**

**Memorantamo o, o na le ditsebe di le 17.**

**KAROLO YA A: RUBORIKI YA TSHEKATSHEKO YA GO TSHWAYA TLHAMO**

|  | <b>Khoutu: 7<br/>Phitlhelelo ka<br/>dinaledi</b>   | <b>Khoutu: 6<br/>Phitlhelelo ka<br/>matsetseleko</b>  | <b>Khoutu: 5<br/>Phitlhelelo e e<br/>tletseng</b>  | <b>Khoutu: 4<br/>Phitlhelelo e e<br/>itumedisang</b>   | <b>Khoutu: 3<br/>Phitlhelelo ka<br/>tekano</b>  | <b>Khoutu: 2<br/>Phitlhelelo e e<br/>tlhaelang</b>   | <b>Khoutu: 1<br/>Ga a fitlhelela</b>   |
|--|--|---|--|--|---|--|--|
|  | <b>80–100%<br/>24–30</b>   | <b>70–79%<br/>21–23½</b>  | <b>60–69%<br/>18–20½</b>   | <b>50–59%<br/>15–17½</b>   | <b>40–49%<br/>12–14½</b>  | <b>30–39%<br/>9–11½</b>  | <b>0–29%<br/>0–8½</b>  |
| <b>DITENG LE<br/>IPAANKANYO<br/>(MADUO 30)</b>           | -Diteng di matsetseleko le boithlamedi jo bo kwa godimo.<br>-Dikgopolo tse di tsibosang e bile di bontsha kgolo.<br>-Ipaakanyo/maiteko a ntlha a tlhagisa tlhamo e e se nang diphoso e bile e kgatlhisa. | -Diteng di supa boithlamedi.<br>-Dikgopolo di na le boikakanyetso e bile di kgatlhisa.<br>-Ipaakanyo/maiteko a ntlha a tlhagisa tlhamo e e bontshang kitso le go kgatlhisa.   | -Diteng di maleba e bile di na le kgolagano e e rileng/ise gang.<br>-Dikgopolo di a kgatlhisa le go usa pelo.<br>-Ipaakanyo/maiteko a ntlha a tlhagisa tlhamo e ntle e e kgatlhisang.  | -Diteng di maleba e bile di tshwaragane sentle di a kgatlhisa e bile di itlhametswe sentle.<br>-Ipaakanyo/maiteko a ntlha a tlhagisa tlhamo e e kgotsofatsang e bile e kgatlhisa.  | -Diteng di magareng, tlwaelegile.<br>-Go na le diphatlha tsa kamano.<br>-Dikgopolo di maleba.<br>-Boithlamedi jo bo rileng.<br>-Ipaakanyo/maiteko a ntlha a tlhagisa tlhamo e e lekaneng, e e kgatlhisang le go lomagana. | -Diteng go le gantsi ga di thaloganyege.<br>-Ga go kgolagano ya dintlha.<br>-Dikgopolo tse di mmalwa e bile di boeleditswe.<br>-Go sa lekanelang ga maemo a puo ya gae ntle le maiteko a ntlha.<br>-Tlhamo ga e a tlhagisiwa sentle. | -Diteng ga di maleba gotlhelele.<br>-Ga go kamano.<br>-Dikgopolo di gasagane le go boelediwa.<br>-Ipaakanyo/maiteko a ntlha a tlhagisa tlhamo e e sa lekanelang.<br>-Tlhamo e e bokoa. |
| <b>PUO, SETAELE<br/>LE<br/>TSEREGANYO<br/>(MADUO 15)</b> | <b>12–15</b><br>-Puo le matshwao a puiso di dirisitswe ka tolamo.<br>-Tiriso e e kgodisang ya dikapuo.   | <b>10½–11½</b><br>-Puo le matshwao a puiso di lolame.<br>-Tlhopho ya mafoko e siametse temana.<br>-Setaele, segalo le rejisetara di maleba le setlhogo.<br>-Bogolo ga go diphoso ka ntlha ya go buisa gape le go siamisa. | <b>9–10</b><br>-Go na le bosupi jwa tirisopuo e e usang pelo.<br>-Puo le matshwao a puiso di nepagetse.<br>-Tlhopho ya mafoko e siametse temana.<br>-Setaele, segalo le rejisetara di siametse setlhogo.<br>-Go le gantsi ga go na diphoso go ya ka go buisa gape le go siamisa. | <b>7½–8½</b><br>-Kitso e e rileng ya kgatelelo ya puo.<br>-Puo e e botlhofo, matshwao a puiso a lekanetse.<br>-Tlhopho ya mafoko e e lekaneng.<br>-Setaele, segalo rejisetara di tsamaelana le ditlhokego tsa setlhogo.<br>-Go sa ntse go na le diphoso tse di mmalwa. | <b>6–7</b><br>-Puo e e mo magareng, matshwao a puiso ga a dirisiwa ka nepo, fa gongwe a fosagetse.<br>-Tlhopho ya mafoko e e sa reng sepe.<br>-Setaele, segalo, rejisetara di tlhoka kgolagano.<br>-Go na le diphoso.     | <b>4½–5½</b><br>-Go na le diphoso tsa puo le matshwao a puiso.<br>-Tlhopho ya mafoko a mannye.<br>-Setaele, segalo, rejisetara ga di a lekanela.<br>-Go diphoso.   | <b>0–4</b><br>-Puo le matshwao a puiso di fosagetse gotlhelele.<br>-Tlhopho ya mafoko ga e a lekanela.<br>-Setaele, segalo le rejisetara di fosagetse gotlhelele.                      |

|                             | <b>4–5</b>  | <b>3½</b>  | <b>3</b>   | <b>2½</b>   | <b>2</b>  | <b>1½</b>  | <b>0–1</b>  |
|-----------------------------|---|--|--|---|---|--|---|
| <b>KAGEGO<br/>(MADUO 5)</b> | <ul style="list-style-type: none"> <li>-Go ikamanya gotlhelele le setlhogo.</li> <li>-Diteng di maleba tota.</li> <li>-Dipolelo, ditemana di tthamilwe ka tsela e e kgodisang.</li> <li>-Boleele bo maleba le ditlhokego tsa tlhamo.</li> </ul> | <ul style="list-style-type: none"> <li>-Go ikamanya thata le setlhogo.</li> <li>-Dipolelo le ditemana di tthamilwe sentle.</li> <li>-Boleele ke jo bo lekaneng.</li> </ul> | <ul style="list-style-type: none"> <li>-Go ikamanya le setlhogo go go rileng.</li> <li>-Dipolelo le ditemana di tshwaragane sentle.</li> <li>-Boleele jo bo lekaneng.</li> </ul> | <ul style="list-style-type: none"> <li>-Dintlha dingwe tse di tlhokegang di tlhagisitswe.</li> <li>-Dipolelo le ditemana di fosagetse mme tlhamo e na le tlhaloganyo.</li> <li>-Boleele ke jo bo lekaneng.</li> </ul> | <ul style="list-style-type: none"> <li>-Bontsi jwa dintlha bo tlhagisitswe.</li> <li>-Dipolelo, ditemana di ka ne di fosagetse fela tlhamo e na le tlhaloganyo.</li> <li>-Boleele ke jo bo lekaneng.</li> </ul> | <ul style="list-style-type: none"> <li>-Go tswa mo setlhogong ka dinako dingwe mme o sa kgone go tthatlhamanya dikakanyo, dipolelo le ditemana.</li> <li>-Boleele – tlhamo e telele/khutshwane thata.</li> </ul> | <ul style="list-style-type: none"> <li>-Go tswa mo setlhogong gotlhelele.</li> <li>-Dipolelo le ditemana di tlhakatlhakane.</li> <li>-Ga go na tatelano.</li> <li>-Boleele – tlhamo e telele/khutshwane thata.</li> </ul> |

**KAROLO YA B: RUBORIKI YA GO TSHWAYA DIKWALO TSE DILEELE TSA TIRISANO (30)**

|  | <b>Khoutu 7:<br/>Phitlhelelo<br/>ka<br/>dinaledi</b>   | <b>Khoutu 6:<br/>Phitlhelelo<br/>ka<br/>matsetseleko</b>   | <b>Khoutu 5:<br/>Phitlhelelo e e<br/>tletseng</b>   | <b>Khoutu 4:<br/>Phitlhelelo<br/>e e itumedisang</b>  | <b>Khoutu 3:<br/>Phitlhelelo ka<br/>tekano</b>   | <b>Khoutu 2:<br/>Phitlhelelo e e<br/>tlhaelang</b>   | <b>Khoutu 1:<br/>Ga a<br/>fitlhelela</b>  |
|--|--|--|---|---|--|--|---|
|  | <b>80–100%<br/>14½–18</b>  | <b>70–79%<br/>13–14</b>  | <b>60–69%<br/>11–12½</b>  | <b>50–59%<br/>9–10½</b>   | <b>40–49%<br/>7½–8½</b>  | <b>30–39%<br/>5½–7</b>   | <b>0–29%<br/>0–5</b>  |
| <b>DITENG,<br/>TOMAGANO<br/>LE POPEGO<br/>(MADUO 18)</b> | -Kitso e e manonthotho ya ditlhokego tsa setlhangwa.<br>-Kwalo e e kwa godimo a sa fapoge setlhogo gotlhelele.<br>-Ikamanyo e e matsetseleko le diteng tse di tshegetsang setlhogo.<br>-Kagego e e nepagetseng gotlhelele. | -Kitso e e kwa godimo ya ditlhokego tsa setlhangwa.<br>-Kwalo e e kwa godimo a sa fapoge setlhogo.<br>-Melao ya kwalo ya setlhangwa e dirisitswe ka botlalo.   | -Kitso e e mo magareng ya setlhangwa.<br>-Kwalo e e maleba a fapogile go se nene.<br>-Bogolo go na le ikamanyo le diteng le dintlha tse di tshegetsang setlhogo.<br>-Tiriso e e tletseng ya melao ya sebopego se se tlhokegang.           | -Kitso e e itekanetseng ya ditlhokego tsa setlhangwa.<br>-Kwalo e e itumedisang ya diteng le dikakanyo di tshegetsang setlhogo.   | -Kitso e e lekaneng ya ditlhokego tsa setlhangwa.<br>-Kwalo e e itumedisang ya diteng le dikakanyo di tshegetsang setlhogo.  | -Kitso e e potlana ya ditlhokego tsa setlhangwa.<br>-Kwalo e e potlana e e seng maleba ya diteng le dikakanyo di tshegetsang setlhogo.<br>-Tiriso e e potlana, e e fosagetseng ya melao ya sebopego se se tlhokegang.  | -Go tlhoka kitso ya ditlhokego tsa setlhangwa.<br>-Ga go na tomagano ya diteng le dikakanyo.<br>-Dintlha tse dinnye tse di tshegetsang setlhogo.<br>-Ga go na tiriso ya melao ya sebopego se se tlhokegang.                   |
| <b>PUO, SETAELE<br/>LE<br/>TSELEGANYO<br/>(MADUO 12)</b> | <b>10–12</b><br>-Tirisopuo e e nepagetseng e le matlhatlaga.<br>-Tlotlofoko e e kwa godimo e le maleba go tebo, babogedi le bokao.<br>-Tlhokego ya diphoso morago ga puiso le go tseleganya.<br>-Boleele jo bo maleba.     | <b>8½–9½</b><br>-E tlhamegile bontle ka nepagalo.<br>-Tlotlofoko e e maleba go tebo, babogedi le bokao.<br>-Bogolo go se na diphoso tse dintsi morago ga puiso le go tseleganya.<br>-Boleele jo bo maleba. | <b>7½–8</b><br>-E tlhamegile le go buisega bonolo.<br>-Tlotlofoko e e maleba go tebo, babogedi le bokao.<br>-Setaele, segalo, rejisetara e e maleba. Go se diphoso tse dikalo morago ga puiso le go tseleganya.<br>-Boleele jo bo maleba. | <b>6–7</b><br>-Popego e e lekaneng.<br>-Diphoso ga di kgoreletse kelelo.<br>-Tlotlofoko e e lekaneng tebo, babogedi le bokao.<br>-Diphoso tse di mmalwa morago ga puiso le go tseleganya.<br>-Boleele jo bo batlileng bo itekanela. | <b>5–5½</b><br>-O lekile popego, e na le diphoso tse dinnye.<br>-Puo ga e ntsi e bile ga e a dirisetswa tebo, babogedi mmogo le bokao jwa potso.<br>-Boleele jo bo feteletseng kgotsa jo bokhutshwane thata. | <b>4–4½</b><br>-Kagego ga e maleba e bile go boima go bona kelelo.<br>-Tlotlofoko e tlhoka go phekolwa e bile ga e tsamaelane le tebo, babogedi le bokao.<br>-Setaele, segalo le rejisetara ga di maleba gotlhelele.<br>-Boleele jo bo feteletseng kgotsa jo bokhutshwane thata. | <b>0–3½</b><br>-Kagego ga e maleba e bile go boima go bona kelelo.<br>-Tlotlofoko e tlhoka go phekolwa tota e bile ga e tsamaelane le tebo, babogedi le bokao.<br>-Boleele jo bo feteletseng kgotsa jo bokhutshwane go gaisa. |

**KAROLO YA C: RUBORIKI YA GO TSHWAYA DITLHANGWA TSE DIKHUTSHWANE TSA TIRISANO/TSA TSHUPETSO/TSHEDIMOSETSO/PONO TSE DI DIRISANG MEKGWA E E FAROLOGANENG YA TLHAELETSANO (20)**

|  | <b>Khoutu 7:<br/>Phitlhelelo ka dinaledi</b>  | <b>Khoutu 6:<br/>Phitlhelelo ka matsetseleko</b>   | <b>Khoutu 5:<br/>Phitlhelelo e e tletseng</b>  | <b>Khoutu 4:<br/>Phitlhelelo e e itumedisang</b>   | <b>Khoutu 3:<br/>Phitlhelelo ka tekano</b>  | <b>Khoutu 2:<br/>Phitlhelelo e e tlhaelang</b>  | <b>Khoutu 1:<br/>Ga a fitlhelela</b>  |
|--|---|--|--|--|---|---|---|
|  | <b>80–100%<br/>10–12</b>  | <b>70–79%<br/>8½–9½</b>  | <b>60–69%<br/>7½–8</b>   | <b>50–59%<br/>6–7</b>  | <b>40–49%<br/>5–5½</b>  | <b>30–39%<br/>4–4½</b>  | <b>0–29%<br/>0–3½</b>   |
| <b>DITENG,<br/>IPAAKANYO LE<br/>SEBOPEGO<br/><br/>(MADUO 12)</b> | <p>-Kitso e e anameng, e e kgethegileng ya ditlhokego tsa setlhangwa.</p> <p>-Bontsha temogo e e tletseng ya bokao jo bo anameng fa a kwala.</p> <p>-Go kwala go go rupeletsweng, moithuti o tsweletsa go tlhomama, ga a rathe sekgwa.</p> <p>-Nyalelano e e tletseng ya diteng le dikakanyo, ditlhaloso tsa maemo a a kwa godimo di neetswe.</p> | <p>-Kitso e e kgodisang ya ditlhokego tsa setlhangwa.</p> <p>-Bontsha temogo e e anameng ya bokao mo ditlhangweng tse dintsi fa a kwala ditiro.</p> <p>-Go kwala go go rupeletsweng - moithuti o tswelela go tlhomama, ga a rathe sekgwa.</p> <p>-Go nyalelano ya diteng le dikakanyo, ditlhaloso di neetswe, mme diteng tsotlhe di tshegetsang setlhogo.</p> <p>-Bosupi jwa ipaakanyo/kgotsa ipaakanyetso ya kwalo ya tlhamo bo tlhagisitse tlhamo e e duleng diatla.</p> | <p>-Kitso e e siameng ya ditlhokego tsa setlhangwa.</p> <p>-Bontsha temogo ka kakaretso ya bokao mo ditlhangweng tse dintsi fa a kwala ditiro.</p> <p>-Go kwala – moithuti o tsweletsa go tlhomama, a sa itemogeletse dikgoreletsi tse di masisi.</p> <p>-Go le gantsi nyalelano ya diteng le dikakanyo, ditlhaloso di neetswe, mme diteng tse dintsi di tshegetsang setlhogo.</p> <p>-Bopaki jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e kgatlhisang.</p> | <p>-Kitso e e lekaneng ya ditlhokego tsa setlhangwa.</p> <p>-Bontsha temogo nngwe ya bokao mo ditlhangweng tse dintsi fa a kwala ditiro.</p> <p>-Go kwala – moithuti o ratha sekgwa, fela se, ga se kgoreletse maitlhamo a tiro ka kakaretso.</p> <p>-Nyalelano e e itumedisang ya diteng le dikakanyo, diteng dingwe di tshegetsang setlhogo.</p> <p>-Bosupi jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e kgotsofatsang.</p> | <p>-Kitso e e mo magareng ya ditlhokego tsa setlhangwa.</p> <p>-Bontsha tlhaelo e e rileng ya kitso ya bokao mo ditlhangweng fa a kwala ditiro.</p> <p>-Go kwala - moithuti o ratha sekgwa, bokao ga bo tlhabosege fa gongwe.</p> <p>-Nyalelano e e magareng ya diteng le dikakanyo. Diteng dingwe di tshegetsang setlhogo.</p> <p>-Bosupi jwa ipaakanyo/kgotsa ipaakanyetso ya tlhamo e e lebegang bo tlhagisitse tlhamo ka tekano le nyalelano.</p> | <p>-Kitso e e tlhaelang ya ditlhokego tsa setlhangwa.</p> <p>-Bontsha tlhaelo ya kitso ya bokao mo ditlhangweng fa a kwala ditiro.</p> <p>-Go kwala – moithuti o ratha sekgwa, bokao ga bo tlhagelele.</p> <p>-Nyalelano ya diteng le dikakanyo. Go le gantsi e a tlhaela. Diteng tse di mmalwa di tshegetsang setlhogo.</p> <p>-Tiro ga e mo maemong a selekanyo sa Puo e e tlhokegang, le fa tota a ipaakantse.</p> | <p>-Ga go kitso ya ditlhokego tsa setlhangwa.</p> <p>-Bontsha go tlhoka kitso gotlhelele ya bokao mo ditlhangweng fa a kwala ditiro.</p> <p>-Go kwala – moithuti o ratha sekgwa, bokao ga bo tlhagelele.</p> <p>-Nyalelano ya diteng tse di mmalwa tse di tshegetsang setlhogo.</p> <p>-Ipaakanyo/kwalo e e sa itumediseng ya tlhamo. Tlhagiso e e bokoa ya tlhamo.</p> |

|   | 6½–8   | 6   | 5½   | 4–4½   | 3½  | 2½–3  | 0–2 |
|---|--|---|--|--|---|---|-----|
| <b>PUO,<br/>SETAELE<br/>LE BOSUPI<br/>JWA PALO<br/><br/>(MADUO 8)</b> | <p>-Tlhagiso ya maemo a a kwa godimo ya melao e e maleba ya popego ya sethangwa.</p> <p>-Thutapuo mo sethangweng e nepagetse e bile e agegile ka bontle jo bo gaisang.</p> <p>-Tlotlofoko e e humileng, e le maleba mo maitlhomong, baamogeding le mo bokaong.</p> <p>-Setaele, segalo le tirisopuo di maleba go gaisa.</p> <p>-Sethangwa se lebega se se na diphoso morago ga go buisiwa gape le go tlhotlwa diphoso.</p> <p>-Boleele bo nepagetse.</p> | <p>-Melao e e tlhokegang ya popego ya sethangwa e dirisitswe sentle.</p> <p>-Sethangwa se agilwe bontle, se nepagetse.</p> <p>-Tlotlofoko e maleba tota mo maitlhomong, baamogeding le mo bokaong.</p> <p>-Setaele, segalo le tirisopuo di maleba fa go lebeletswe ditlhokego tsa tiro.</p> <p>-Sethangwa ka kakaretso ga se na diphoso morago ga go buisiwa gape le go tlhotlwa diphoso.</p> <p>-Boleele bo nepagetse.</p> | <p>-Melao e e tlhokegang ya popego ya sethangwa e dirisitswe sentle.</p> <p>-Sethangwa se agilwe sentle, se buisega bonolo.</p> <p>-Tlotlofoko e maleba mo maitlhomong, baamogeding le mo bokaong.</p> <p>-Setaele, segalo le tirisopuo go le gantsi di maleba.</p> <p>-Sethangwa go le gantsi ga sena diphoso morago ga go buisiwa gape le go tlhotlwa diphoso.</p> <p>-Boleele bo nepagetse.</p> | <p>-Kakanyo e e itumedisang ya ditlhokego tsa popego ya sethangwa e dirisitswe.</p> <p>-Sethangwa se agilwe ka go itumedisa.</p> <p>Diphoso tse di leng gone ga di kgoreletse kelelo ya dikakanyo.</p> <p>-Tlotlofoko ka tekano mo maitlhomong, baamogeding le mo bokaong.</p> <p>-Setaele, segalo le tirisopuo di siame, di maleba.</p> <p>-Sethangwa se sa ntse se na le diphoso morago ga go buisiwa gape le go tlhotlwa diphoso.</p> <p>-Boleele bo nepagetse.</p> | <p>-Go kakanyo e e lekaneng ya ditlhokego tsa popego ya sethangwa.</p> <p>Sethangwa se agilwe ka ditlhokego fela tse di tlhokegang. Diphoso di mmalwa.</p> <p>-Tlotlofoko e a tlhela e bile ga e maleba mo maitlhomong, baamogeding le mo bokaong.</p> <p>-Tlhaelo ya setaele, segalo le tirisopuo fale le fale.</p> <p>-Sethangwa se na le diphoso tse di mmalwa morago ga go buisiwa gape le go tlhotlwa diphoso.</p> <p>-Boleele jo bo fetang tekano/sethangwa se se khutshwane thata.</p> | <p>-Go tlhaelo ka kakaretso mo tirisong ya melao e e tlhokegang ya popego ya sethangwa.</p> <p>-Sethangwa se agilwe bokoa e bile se thata go se tlhologanya.</p> <p>-Tlotlofoko e tlhoka go boeletswa ka tsenelelo, mme ga e maleba mo maitlhomong, baamogeding.</p> <p>-Sethangwa se diphoso gotlhe tse di thibang letsatsi, e bile se tlhakatlhakane gotlhe.</p> <p>-Boleele jo bo fetang tekano/sethangwa se se khutshwane thatathata.</p> |     |

**KAROLO YA A: TLHAMO****POTSO 1****MEFUTA YA DITLHAMO****1.1 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: O se bone thola borethe, teng ga yona go a baba.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimoledi.
- Motlhatlhojwa a bontshe fa a na le maitemogelo mo setlhogong se.

**[50]****1.2 Tlhamo ya thanolo**

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano.

Sekao sa setlhogo: Go bua nnete fela, puso ya Aforikaborwa ga e re direle sepe.

Dintlha tse di latelang di tshwanetse go elwa tlhoko fa go tshwaiwa tlhamo ya thanolo.

- Setlhogo se tshwanetse go tlhaloganngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tebileng.
- Dikakanyo di rulagane, di lolame mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

**[50]****1.3 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: Seemo sa thuto mo nageng ya Aforikaborwa, dingwaga di le lesomethataro morago ga kgololosego.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlopho mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimoledi.
- Motlhatlhojwa a bontshe fa a na le maitemogelo mo setlhogong se.

[50]

#### 1.4 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: Fa letsatsi le phirima...

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tthagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe
- Go tshwanetswe ga elwa tlhoko gore mofuta o wa tlhamo o a tlhalosa.

#### Tlhamo ya maitlhamo

Mo mofuteng o wa tlhamo motlhatlhojwa o leba kakanyo, a bo a tthagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: Fa letsatsi le phirima...

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a nne le seabe sa botlhokwa.



- Karolo e kgolo mo tthamong e ka tthalosa. Ditthaloso di tshwanetse go bonala, maikaelelo e le go tthagisa gape maikutlo a motlhatlhojwa a nako e e fertileng.
- Dikakanyo/megopolo/maikutlo di tshwanetse go senola boammaaruri le maitemogelo.

### 1.5 Tlhamo ya ngangisano

Mo tthamong e, motlhatlhojwa o tthagisa kakanyo, ntlhakemo mme a nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: Borre jaaka ba tlholegile e le ditlhogo tsa malapa ke bona ba ba tshwanetseng go rwala maikarabelo a go tlamela bana ba bona. **Dumela** kana **ganetsa** tthagiso e.

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tthagisa ntlhakemo ya gagwe go bontsha boitshimolole.
- A neye mefufufuta ya dingangisano go tshegetsisa ntlhakemo ya gagwe mme a tthalose se.
- Tlhamo e tthagisa letlhakore le le lengwe mme dikakanyo di tthagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tlhologanyegang mme e pateletse mmuisi go dumelana le tse di tthagisitsweng. Tlhamo ya mofuta o, e kwalwe ka pakajaanong.

**[50]**

### 1.6 Tlhamo ya thanolo

Tlhamo ya mofuta o, e tthagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tthalosa dikakanyo kgotsa dintlha ka tatelano.

Sekao sa setlhogo: Bosimane ga se bogole.

Dintlha tse di latelang di tshwanetse go elwa tlhoko fa go tshwaiwa tlhamo ya thanolo.

- Setlhogo se tshwanetse go tlhologanngwa sentle.
- Go botlhokwa gore se motlhatlhojwa a se buang kgotsa a se tthagisang se tshegediwe ka dintlha.
- Motlhatlhojwa o tthalosa bokao jo bo sa tlwaelegang gore mmuisi a tlhologanye setlhogo le fa e le gore ga a na kitso e e tebileng.
- Dikakanyo di rulagane, di lolame mme di neye tthaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

**[50]**

**1.7 1.7.1 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: Leba setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko / monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

**Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: Leba setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tthamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

**[50]**

### 1.7.2 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: Leba setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko /monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

### Tlhamo ya maitlhamo

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: Leba setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tthamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

[50]

**PALOGOTLHE YA KAROLO YA A: 50**

**KAROLO YA B: DITLHANGWA TSE DILEELE TSA TIRISANO****POTSO 2****2.1 LEKWALO**

Lekwalo la botsalano ke le le kwalelwang motsadi/tsala kgotsa fela mongwe yo o amanang le ena ka tsela nngwe, o kopa thuso kgotsa gona go leboga.

Dintlha tse di tshwanetseng go elwa tlhoko:

- Lekwalo le, le le leele, ka lona motlhatlhojwa o buisana le balosika, ditsala le bangwe fela ba a ka ne a itsane nabo.
- Go se ka ga nna le diphoso tsa mofuta ofe mo lekwalong le.
- Motlhatlhojwa a ya lolololo ka dikgang tse a batlang go di tlotla.
- A kwale matseno a a ngokang mmuisi go buisa lekwalo le go supa motho yo a mo kwalelang.
- Motlhatlhojwa a kwale aterese e le nngwe ya motho yo a mo kwalelang. [30]

**2.2 MMUISANO/PUISANO**

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba buisana ka ga dikakanyo kgotsa ka ga setlhogo sengwe se se rileng. Sebopego sa yona ke sa dipotsotherisano fela ona o dirisiwa gongwe le gongwe ke mongwe le mongwe.

Dintlha tse di tshwanetseng go elwa tlhoko:

- Mmuisano o kwalwa ka mokgwa o moterama a kwalang ka ona.
- Go nna dibui di le pedi kgotsa go feta.
- Go nna le setlhogo se motlhatlhojwa a kopang basari mo go sona.
- Dipolelo tsa dibui di nne dikhutshwane.
- Diteng di supe boitlhamedi, kelelo ya dintlha le go tsamaelana ga ditiragalo.
- Maina a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonono di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

**2.3 PUO**

- Puo e nne le matseno, mmele le bokhutlo.
- Matseno e nne a a ngokang bareetsi.
- Motlhatlhojwa a ka simolola ka go nopola seane kgotsa puo e e molodi.
- Ditemana tsa mmele di kgaoganngwe sentle.
- Kwa bokhutlong motlhatlhojwa a bontshe gore o a digela.
- A neelane ka molaetsa.
- Go bonagale gore ga a sa tlhole a le mo mmeleng, puo ya gagwe e weditswe. [30]

**2.4 LENANEOTEMA LE METSOTSO YA KOPANO**

Lenaneotema ke kitso le kgobokanyo ya dintlhakgolo tse go tlleng go buiwa ka ga tsona mo kopanong e e rileng. Batlapitsong ba itse se ba se bile diwang le gore ba tle pitsong ba ipaakantse, ba rulagantse ditshwaelo tsa bona sentle.

Dintlha tse di tshwanetseng go elwa tlhoko:

- Tshedimosetso yotlhe ya kopano e kwadilwe mo lenaneotemeng gore ditokololo di e bone/di ipaakanye/di bone gore di tsaya letlhakore lefe/di batle dinopolo pele ga kopano gore di tle di nne le tshedimosetso gore kopano e ka ga eng.
- Letlha le lenaneotema le tswileng ka lona ga le a tshwanela go atamelana le la kopano.
- Letlha la kopano e e latelang le fiwe.

**[30]****PALOGOTLHE YA KAROLO YA B: 30****KAROLO YA C: DITLHANGWA TSE DIKHUTSHWANE TSA TIRISANO****POTSO 3****3.1 DIKAELO**

Go kaela tsela ke tshedimosetso e e abiwang fa mongwe e ka nna moeng kgotsa moagi yo mošwa mo lefelong le le rileng a batla tsela ya go ya kwa go rileng.

Dintlha tse di tshwanetseng go elwa tlhoko:

- Matshwao a tsela.( dipone tsa pharakano le matshwao a tsela ka go farologana)
- Dikago ( dikereke, dipolokelo, dikolo, diposo, marekisetso, ditikatikwe, dikantoro, maemelo a dipalangwa le meratho/ maborogo.)
- Maina a mebila.
- Go lekanyetsa sekgala. ( go fopholetsa dikilometara).

**[20]****3.2 BUKATSATSI**

Motlhatlhojwa o kwadile maikutlo, dikakanyo le maitemogelo a gagwe.

Dintlha tse di tshwanetseng go elwa tlhoko:

- Motlhatlhojwa a ka neela lekwalo la gagwe leina le a le ratang.
- Letsatsi le letlha le a kwalang dikgang ka lona le kwadilwe.
- Mafoko a motho wa ntlha a dirisitswe.
- Dikgang di mo pakajaanong kwa ntle ga tse di setseng di diragetse.
- Dipolelonolo le ditemana tse dikhutshwane di dirisitswe.
- Motlhatlhojwa o dirisitse puo e e tletseng maikutlo.

**[20]**

**3.3 PAPATSO**

Papatso ke mokgwa o bagwebi ba o dirisang go re itsise ka ga dikuno tsa bona gore bareki ba tle ba tsiboge ka tshwanelo.

Dintlha tse di tshwanetseng go elwa tlhoko:

- Go ngoka kgatlhego ya mmuisi.
- E bake keletso ya go rua kuno kgotsa tirelo eo.
- Mokwalo o bonale e bile o buisege sentle.
- Sebopego le fonto.
- Maitlhommo.
- Puo.
- Nonofa ya tlhopho ya mmala.

**[20]****PALOGOTLHE YA KAROLO YA C:****20****PALOGOTLHE:****100**

**KAEDI YA GO TSHWAYA****KAROLO YA A: TLHAMO****MEFUTA E E FAROLOGANENG YA DITLHAMO.**

|                |             |
|----------------|-------------|
| Diteng         | (3)         |
| Kagego         | (15)        |
| Puo le setaele | (05)        |
|                | <b>[50]</b> |

**MADUO A KAROLO YA A: 50****KAROLO YA B: SETLHANGWA SE SELEELE SA TIRISANO****2.1 LEKWALO LA BOTSALANO****KAGEGO**

|                    |             |
|--------------------|-------------|
| Aterese            | (2)         |
| Matseno/ditumediso | (01)        |
| Bokhutlo           | (02)        |
| Diteng             | (13)        |
| Puo                | (12)        |
|                    | <b>[30]</b> |

**2.2 MMUISANO****Matseno (4)**

|                                      |       |
|--------------------------------------|-------|
| Matseno a a maleba, a a kgatlhisang. | (3-4) |
| Matseno a a bokoa, a sa kgatlhise.   | (1-2) |

**Diteng (14)**

|   |       |
|---|-------|
| Tse di maleba tse di kgatlhisang, e bile di itlhametswe sentle. | 12-14 |
| Tse di kgatlhisang, di itlhametswe.                             | 8-11  |
| Tse di magareng, di itlhametswe                                 | 5-7   |
| Tse di bokoa, di se maleba                                      | 3-4   |
| Tse di fosagetseng, gotlhelele.                                 | 1-2   |

**Puo (8)**

|                                       |       |
|---------------------------------------|-------|
| Puo e e molodi, e rulagantswe sentle. | (6-8) |
| Puo e e magareng, diphoso fa le fale. | (4-6) |
| Puo e e bokoa, e tletse diphoso.      | (1-3) |

**Bokhutlo (4)**

|   |             |
|---|-------------|
| Bokhutlo bo bo maleba, bo bo kgatlhisang. | (2-4)       |
| Bokhutlo bo bo bokoa, bo sa kgatlhise.    | (1)         |
|   | <b>[30]</b> |

**2.3 PUO****Matseno (4)**

Matseno a a maleba, a a kgatlhisang. (3-4)

Matseno a a bokoa, a sa kgatlhise. (1-2)

**Diteng (14)**

Tse di maleba tse di kgatlhisang, e bile di itlhametswe sentle. (12-14)

Tse di kgatlhisang, di itlhametswe. (8-11)

Tse di magareng, di itlhametswe (5-7)

Tse di bokoa, di se maleba (3-4)

Tse di fosagetseng, gotlhelele. (1-2)

**Puo (8)**

Puo e e molodi, e rulagantswe sentle. (6-8)

Puo e e magareng, diphoso fa le fale. (4-6)

Puo e e bokoa, e tletse diphoso. (1-3)

**Bokhutlo (4)**

Bokhutlo bo bo maleba, bo bo kgatlhisang. (2-4)

Bokhutlo bo bo bokoa, bo sa kgatlhise. (1)

**[30]**

**2.4 LENANEOTEMA LE METSOTSO**

Lefelo, letlha le nako ya kopano (6)

Batlapitsong (2)

Maitato (2)

Pulo le kamogelo (4)

Kitsiso ya pitso (2)

Puiso ya metsotso (4)

Ditswametsotsong (2)

Kgankgolo ya pitso (2)

Kakaretso (2)

Tswalelo ya kopano (2)

Tshaeno (2)

**[30]**



**KAROLO YA C****3.1 DIKAELO**

|   |             |
|---|-------------|
| Ditlhokego  | (2)         |
| Itse tsela  | (3)         |
| Maina a mebila  | (3)         |
| Mafelo a dipalangwa   | (4)         |
| Dikago jaaka dikolo, mabenkele, dikereke, mafelo a go tshela lookwane | (4)         |
| Ditoropo  | (2)         |
| Maborogo, dinoka, dikgwa, metse.                                      | (2)         |
|   | <b>[20]</b> |

**3.2 BUKATSATSI**

|                                |         |             |
|--------------------------------|---------|-------------|
| Diteng – Malatsi a le maratara | (6 x 2) | (12)        |
| Kagego                         |         | (4)         |
| Puo                            |         | (4)         |
|                                |         | <b>[20]</b> |

**3.3 PAPATSO**

|  |             |
|--|-------------|
| Setlhogo sa se bapadiwang se kwalwe ka ditlhaka tse ditona   | (3)         |
| Se se bapadiwang se tlhagelele sentle                        | (4)         |
| Mafoko e nne a a ngokang, mme o dirisitse mebala e e ngokang | (4)         |
| Selebego sa mokwalo (font) se nne se se gogelang             | (4)         |
| Leina la mobapatsi le kwalwe                                 | (3)         |
| Dinomoro tsa mogala (kantoro, le mogala wa letheke)          | (2)         |
|  | <b>[20]</b> |